

祿留其身，公損猶少，因願唯令男兒等改姓，以宗室朝臣將為其姓，而今覆案世情，凡雖一宗之胤，而姓號分異，則人心自踈，既屬吾孰敢序之，時益念同族和穆之義，臣雖不肖，苟為弘仁朝廷之苗裔，因願同編源氏之末，以成親親之厚，伏望天從人欲，聖周物情，答深款而降恩，弘至公而成德，然則帝道无偏鑿，前燭而流化，臣誠无二，添涓塵而慰憂，勅答曰：頻省章表，雅懷奇之，惟王才超北海，器浮東平，割情愛於周親，輸忠款而報國，但枝分若樹，影接天光，移列凡裁，實乖素分，故雖非无舊章，然抑而未之許，今重知恹款，更成懇勸，上天必從下人之欲，惟朕寧失賢王之望，因改宿懷，用依後表，停加姓事，又順前表，王夫彌勉奉公之誠，克修為善之樂。

〔三代實錄陽成四十二〕元慶六年七月辛丑朔，從四位下行丹波權守興範王散位，從四位下興扶王，並賜姓源朝臣，仁明天皇皇子，人康親王之子也。

〔尊卑分脈三〕宇多天皇

